

Powšitkowne WOZJEWJENJA

njedźelu, 15. meje 2016

Přidźće do Róžanta!

Lubi młodostni, wutrobnje přeprošujemy was na putnikowanje młodžiny njedźelu, 22. meje, do Róžanta. Boža mša budže w 10.30 hodź. Jej přizamknje so wobjed (1,50 € – całta, kołbaska, napoj, dalši napoj 0,50 €). Zakónčenje budže z hudźbnym nyšporom w 12.30 hodź. Prosimy was, zo byšće so pěši na puć k Róžeńčanskej mačeri Božej podali. W kotrym času waš procesion woteńdže, so we wašich wosadach wozjewi.

Wutrobnje strowja farar Gabriš Nawka, Lucija a dekanatny kružk

Z busom na zjězd katolikow

Štóž chce sej na 100. zjězd katolikow Němskeje do Lipska dojeć, ma k tomu z busom dvě móžnosći. Radworske Šmitec wozydłownistwo poskičuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.

Za putnikowanje do Krupki so přizjewić

Młodostni wot 16 lět su přeprošeni, wot njedźele, 3. julija, do Krupki putnikować. Woni nawróca so pjatk, 8. julija. Přizjewić měli so zajimcy hač do pjatka, 3. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njeprizijimuju. Putnicy zetkaja so njedźelu, 5. junija, po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

Nalětni koncert Lipy w klóšterskej zahrodže

Wšitkich zajimcow zbliska a zдалoka přeprošuje chór Lipa na swój lětuši nalětni koncert, kotryž budže njedźelu, 22. meje, w 15.30 hodź. na zahrodže Zežiwjenskeho a zeloweho centruma w klóštrje Marijinej hwězdze w Pančicach-Kukowje. Wot 15.00 hodź. poskića tam kofej a tykanc. Lětsa su sej Lipjenjo chór Bratrowstwa z Kulowa přeprošyli.

Wulět samostejacych do Lipska

Samostejacy ze serbskich wosadow změja wutoru, 14. junija, swój lětuši zhromadny wulět z busom, kotryž powjedže do Lipska. Zajimcy njech so hač do póndžele, 6. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

Kolesujo putnikować

K putniskemu tydženjej na kole přeprošuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźělne kolesowarske puće, kotrež chcedža w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprošeni. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob džeń něhdže 40 do 50 kilometrow dołhe. Zajimcy měli so w Smochćicach pod telefonowym čislom (03 59 35) 2 23 15 přizjewić.